

**Arkiv:** FA-A22, TI-&00  
**JournalpostID:** 20/2182  
**Saksbehandla**  
**r:** Leif Bjørnar  
 Hopland  
**Dato:** 14.01.2020

## Saksframlegg

| Saksnr. | Utvalg                                     | Møtedato   |
|---------|--------------------------------------------|------------|
| 007/20  | Utval for oppvekst, kunnskap og kultur     | 04.02.2020 |
|         | Alver kommunestyre                         |            |
| 008/20  | Råd for menneske med nedsett funksjonsevne | 03.02.2020 |
| 008/20  | Ungdomsråd                                 | 03.02.2020 |

### Vedtekter for skulefritidsordninga (SFO) i Alver kommune

#### Vedlegg i saken:

|            |                                                                                                       |         |
|------------|-------------------------------------------------------------------------------------------------------|---------|
| 22.01.2020 | Framlegg til vedtekter for skulefritidsordninga (SFO) i Alver kommune                                 | 1342835 |
| 22.01.2020 | Sæbø skule, SU Uttale til forslag til vedtekter for skulefritidsordninga i Alver kommune              | 1342836 |
| 22.01.2020 | Austabygd skule og barnehage Særutskrift høyring Vedtekter fo SFO samarb.utv                          | 1342837 |
| 22.01.2020 | FAU Grasdal skule Uttale til sak - Høyring – vedtekter for skulefritidsordninga i Alver kommune.      | 1342838 |
| 22.01.2020 | FAU Vestbygd skule Innspill SFO-vedtekter i Alver kommune.                                            | 1342839 |
| 22.01.2020 | Høyringsuttale frå forvaltningskontoret                                                               | 1342840 |
| 22.01.2020 | Kommentarer til vedtektene for SFOi Alver kommune fra Delta                                           | 1342841 |
| 22.01.2020 | Manger skule SMU Høyring – vedtekter for skulefritidsordninga i Alver kommune                         | 1342842 |
| 22.01.2020 | RMNF Framlegg til vedtekter for skulefritidsordninga (SFO) i Alver kommune                            | 1342843 |
| 22.01.2020 | SMU Hordabø skule Uttale til høyring vedtekter for skulefritidsordninga i Alver kommune               | 1342844 |
| 22.01.2020 | SU Leiknes skule Uttale til høyring vedtekter SFO 6.jan 2020                                          | 1342845 |
| 22.01.2020 | SU Seim skule Svar på Høyring - framlegg til vedtekter for skulefritidsordninga (SFO) i Alver kommune | 1342846 |
| 22.01.2020 | Ulike arbeidstakarorganisasjonar - Innspel til retningsliner for SFO i Alver kommune                  | 1342847 |

#### Rådmannen sitt framlegg til vedtak:

Framlegg til vedtekter for skulefritidsordninga i Alver kommune vert vedteke med følgjande endringar (understreka):

Under punkt 4

SFO vil vere stengd på 5 av skulen sine planleggingsdagar, jul- og nyttårsaftan. Onsdag før påske stengjer SFO kl.12. I juli månad er SFO stengt.

Frist for oppseiing og endring av plass er 1 månad rekna frå den 1. i påfølgjande månad.

Under punkt 5

Barn som har tilbod om SFO 10 månader, betaler for 10 månader. Juli og august er betalingsfrie.

Under punkt 8

Barn har som hovudregel ikkje rett på skyss til og frå skulefritidsordninga.

Framlegget vert sendt kommunestyret for endeleg vedtak.

### **Ungdomsråd 03.02.2020:**

#### **Behandling:**

Orientering v/Leif Hopland

Ungdomsrådet støttar Rådmannens forslag til vedtak.

Samrøystes vedteke

#### **UR- 008/20 Vedtak:**

Ungdomsrådet støttar Rådmannens forslag til vedtak.

Samrøystes vedteke

### **Saksopplysningar:**

#### **Politisk handsaming**

Saka er handsama i Utval for oppvekst, kunnskap og kultur 19.11.2019 og vart då sendt til høyring med frist 06.01.2020.

Saka skal opp igjen i Utval for oppvekst, kunnskap og kultur 04. februar, og skal endeleg handsamast i kommunestyre 20. februar.

### **Saksutgreiing**

#### **Bakgrunn**

Kommunane Lindås, Meland og Radøy er frå 01. januar 2020 gått saman til nye Alver kommune. Vedtekter som sette rammer for skulefritidsordninga i dei

tre dåverande kommunane må erstattast med nye. Rådmannen har utarbeidd framlegg til nye vedtekter for skulefritidsordninga (SFO) i Alver kommune.

Skulefritidsordninga er regulert i opplæringslova § 13-7. Vedtekter for offentlege skulefritidsordningar vert fastsett av kommunen. Vedtektene skal setje rammer for skulefritidsordninga på ein slik måte at dei gjer verksemda forutsigbar jfr. merknader til Ot.prp.nr. 60 (1997-1998).

Vedtektene skal regulere eigarforhold, kven som har opptaksmynde, opptakskriterium, opptaksperiode og oppseiing av skulefritidsplassen, foreldrebetaling, leike- og opphaaldsareal, dagleg opphaldstid og årleg opningstid, samt bemanning og leiging.

Saka vart handsama av Utval for oppvekst, kunnskap og kultur 19.11.2020.

Utvalet vedtok å sende rådmannen sitt framlegg til vedtekter for skulefritidsordninga i Alver kommune ut på høyring. Frist for høyringsuttale vart sett til 06.01.2020.

### **Prosess**

Framlegget til nye vedtekter for skulefritidsordninga (SFO) i Alver kommune, vart sendt ut til høyringsinstansane 25. november 2019. Framlegget vart sendt til Samarbeidsutvala (SU) for grunnskulane, Hovudtillitsvalde, Hovudverneombod, Avdeling for funksjonshemma, Forvaltningskontoret, Økonomiavdelinga, PPT, RMNF – Rådet for menneske med nedsett funksjonsevne. Rådmannen har fått inn 12 uttaler frå høyringsinstansane.

SU v/Sæbø skule peikar på manglande utgreiing om kvalitet og innhald i tenesta. Dei skulle ønskt det var tatt med meir om dette i vedtektene. Vidare uttaler dei at bemanningskravet legg opp til ein reduksjon samanlikna med dagens situasjon. Dei stiller seg kritisk til om eit bemanningsnivå på 14 barn pr tilsett er tilstrekkeleg for å gje godt nok tilsyn og omsorg, samstundes som dei skal leggje til rette for leik, kultur- og fritidsaktivitetar med utgangspunkt i alder, funksjonsnivå og interesse hjå barna.

SU v/Austebygd skule og barnehage ønskjer svar på kvifor tida om morgon skal telja med i opphaldstida på SFO. Vidare uttaler SU at dei meiner det skal vere ei bemanning på 12 barn pr. tilsette, slik det har vore i Radøy kommune.

FAU v/Grasdal skule uttalar at dei i det store og heile er positive til dei nye vedtektene, men har spørsmål som i hovudsak går på ulikskapane mellom vedtektene i Meland kommune og dei nye foreslåtte vedtektene for Alver. I uttalen stiller dei spørsmål ved korleis eit fortløpande opptak etter søknadsfristen, basert på kapasitet og lokalitet på den einskilde SFO, skal kommuniserast ut til føresette.

Vidare spør dei om det vil ha økonomiske konsekvenser for vidare tilbod og bemanning i SFO at moderasjonsordninga og bemanninga samt krav til kompetanse, vert betre i Alver samanlikna med tidlegare Meland kommune. Dei stiller og spørsmål til årsaka til at kravet til at det skal tilsetjast dagleg leiar på SFO er auka frå 20 barn, i Meland-vedtektene, til 25 barn i Alver kommune.

FAU spør i uttalen i kva grad det vil bli vurdert ei styrka bemanning for å ivareta barn på 1.-4. trinn med særskilde behov, eller barn som ikkje har særskilde behov men som t.d. strever med samhandling. Det vert stilt spørsmål til korleis ein skal sikra at Alver kommune skal kunne gje alle/dei andre barna på SFO tilsyn og omsorg, dvs. eit trygt og godt skulemiljø?

FAU v/Vestbygd skule uttaler at dei ønskjer at det skal bli vurdert at SFO på Vestbygd skal kunne opne kl. 07.00 samt at dei ønskjer at barn med tilretteleggingsbehov i skule og skal ha krav på det i SFO.

Forvaltningskontoret Alver kommune har sendt inn ein større høyringsuttale. Uttalen er delt inn i ei generell innleiing, kommentarar til nokre av punkta i vedtektene samt uttale om elevar på private grunnskular.

Dei rettar i innleiinga søkelyset på korleis ein frå kommunen si side kan innretta tilbod til pass av barn med nedsett funksjonsevne eller åtferdsutfordringar for at foreldra kan vere i jobb/full stilling. Dei peikar på at avlastninga (Forvaltningskontoret sitt tilbod) slik den er organisert, og med dei ressursane dei har, ikkje vil kunne vere eit alternativ til SFO. Sidan avlastning ikkje er eit reelt tilbod, er konsekvensen at foreldre med barn i denne gruppa ikkje vil kunne få eit reelt SFO-alternativ i sitt nærmiljø. Utforminga av vedtektene vil ha stor betydning for kva mogleigheiter foreldra har til å få barnepass lokalt for barn som har særskilde behov. I dette ligg og eit tilbod med kompetent personell som har fulgt barnet gjennom skuledagen, som barnet kjenner og er trygg på.

Forvaltningskontoret kommenterer at framlegget set grenser for skulane si anledning til å gje eit reelt barnepass til barn på 5.-7. trinn med særskild behov, blant anna på grunn av kravet om lokasjon, og at ein ikkje er tydelege nok på behovet om auka bemanninga for barn med særskilde behov.

I høyringsuttalen viser Forvaltningskontoret til at det er planlagt samarbeidsmøte mellom Oppvekst, Forvaltningskontoret og Habiliteringstenesta for å betre sikra gjensidig forståing om kva SFO-tilbodet for elevar på 5.-7. trinn er, og kva moglegheiter og grenser som ligg i Alver sitt avlastningstilbod til desse elevane.

*Vidare har Forvaltningskontoret merknader til følgjande punkt i vedtektene:*

I punkt 2, om formålet, ønskjer ein ei presisering av omgrepet «frivillig», at SFO er barnepass, kva som er meint som særskilde behov, bemanning og tilbod til barn med særskilde behov, kva det betyr at barnet skal gjere seg nytte av SFO-tilbodet og kva ordningar ein skal ha for barn med særskilde behov på 8.-10. trinn i Alver. Dei viser og til at omgrepet «funksjonshemma» ikkje er forklart i vedtektene.

I punkt 3 om opptaksmynde og opptakskriterium vert det kommentert korleis ein tenkjer seg Alver kommune skal sikre likebehandling i tildeling og tilrettelegging av SFO-tilbodet til barn med særskilde behov på tvers av skulane, når det er rektor som er ansvarleg for opptaket. Vidare ønskjer ein ei forklaring eller døme på kva som ligg i omgrepa «særskilde behov» (sjå og

ovanfor), og kva som er meint som tildelt plass etter ei «nærare vurdering». Vidare i kommentarane spør dei om kva som ligg i omgrepet «lokasjon» og problematiserer i kva grad dette vil bety at ein har anledning til å bevege seg utover skulen sitt område.

I kommentar til punktet om kven kommunen vil lytte til i vurderinga av opptak av barn med særskilde behov på 5.-7. trinn, ønskjer ein at foreldra og vert nemnd. Det vert stilt spørsmål kvifor PPT er særskild nemnd og ønskjer at Helse og omsorg kan vere ein instans som kan gje informasjon om barnet sitt behov for tilsyn og omsorg.

I framlegget til vedtekter står det at «Barnet må kunne gjere seg nytte av SFO-tilbodet.» I uttalen er Forvaltningskontoret uroa over om dette inneber at skulane ikkje legg til rette for eit SFO-tilbod som reelt sett er eigna for alle barn med særskilde behov. Dei spør og om det burde kome fram i framlegget at det kan leggjast til rette for at SFO kan samarbeida på tvers av skulane om tilbodet til denne elevgruppa (5.-7. trinn).

I kommentaren til punktet: «Bemanninga kan styrkast ytterlegare for å ivareta barn med behov for særskild oppfølging.», ønskjer Forvaltningskontoret at omgrepet «kan» vert vurdert bytta ut med «skal» eller «bør», og at bemanning knytt til einskildelev i skulen bør vere lik på SFO for å unngå åtferdsutfordringar.

Til slutt i høyringsuttalen viser Forvaltningskontoret til at det i vedtektene bør stå korleis kommunen skal gje eit tilbod til elevar på private grunnskular i Alver kommune.

Delta – Arbeidstakarorganisasjon uttaler at det bør presiserast at SFO er stengt julafta og nyårsafta, og at tekst må samsvare med skuleruta. Delta saknar under punkt 5 om foreldrebetaling, val av plasstype 10 eller 11 månader. Dette vil igjen ha betydning for bemanningsbehovet på SFO. Det må i vedtektene koma fram kva foreldra skal betala for, dvs. kor mange timar ein kan nytta på langdagar (undervisningsfrie dagar). Tilsvarende ønskjer dei at det skal koma fram om SFO om morgonen skal reknast som ein klokke time, eller den reelle tida barnet nyttar.

Under punkt 6 i framlegget, om bemanning og leiing, uttaler Delta at det må komme fram at det skal følgje middel/ressursar med til barn med særskilde behov.

SMU v/Manger skule har følgjande merknader til framlegget: Under punkt 4 bør det stå kvar 1. klassingane skal gå frå 1.august til skulestart. Dei ønskjer og at tilsette som ikkje arbeider vanleg arbeidsår/11 mndr, men har arbeidstid som følgjer skuleåret må pårekna å arbeida på skular med heilårstilbod på SFO.

Under punkt 5 – foreldrebetaling uttaler SMU at det bør stå noko om gebyr ved for sein henting, og at vedtaket må seie noko om gratis SFO-plass for barn på 5.-7. trinn.

Under punkt 6, bemanning og leiing, ønskjer SMU at det skal vere ei bemanningsgrense på 12 barn pr. tilsett, og ikkje 14 barn pr. tilsett som

foreslått i vedtektene.

Til slutt ønskjer dei at kva krav til lokale retningslinjer for SFO på den einskilde skule, og kva desse eventuelt skal innehalda, bør vere med i vedtektene.

RMNF - Råd for menneske med nedsett funksjonsevne ber i sin uttale om at det blir gjeve følgjande tillegg for elevar på SFO 5.-7. trinn: «Denne plassen er gratis for elevar med særskilde behov».

Under punkt 8 ber ein om at ordet «funksjonsfrisk» skal bli tatt vekk og at det skal stå: «Barn har som hovudregel ikkje rett på skyss».

SMU v/Hordabø skule ønskjer at bemanningsnormen skal vere 12 barn pr. tilsett, og ikkje 14 som foreslått i framlegget. Når det gjeld opphaldstider, bør det ikkje vere ein time mellom kvar sats. Det står «0-6 t/v, 7-14 t/v..». Bør i staden stå 0-6 t/v, 6-14 t/v.

SU v/Leiknes skule vurderer at vedtektene generelt er gode. Dei uttaler at det er flott at søknadsfristen er sett til 1.mars. Dette vil lette planlegginga av SFO-året.

Ved vurdering av å forlenge opphaldstida ved den einskilde skule vil det vere fornuftig å setje maksimal opphaldstid kvar dag til 9 timar. I vedtektene er det foreslått at det ved oppseiing etter 1.april må betalast t.o.m. juni månad. Dette vil ikkje få effekt då juni er betalingsfri månad. SU foreslår at dette vert endra. For reduksjon av plass på SFO, bør same regel gjelda som for oppseiing av plass. Til slutt vurderer ein at foreslåtte 14 barn pr. tilsett er ei fornuftig bemanning.

SU v/Seim skule har følgjande uttale til framlegg til vedtekter:

SU ønskjer tydlegare skildring av kva som meinast med «å gjera seg nytte av tilbodet» slik det kjem fram i punkt 3. Dei ønskjer at ei vurdering bør avsluttast med eit administrativt vedtak frå skuleeigar til skule.

SU uttaler seg positiv til at det i framlegget ikkje står noko om at SFO om morgonen skal reknast frå 7.30 uansett frammøtetid. Dette gjev familiane fridomen til å bestille SFO etter behov, også før skuletid, noko som kan gje meir SFO-tid å nytte om ettermiddagen.

SU foreslår ei presisering i vedtektene om at SFO er stengd jul- og nyttårsaftan. Vidare ønskjer SU at det i vedtektene blir skild mellom sats for 10-mnd og for 11-mnd, slik ein har hatt i Lindås kommune.

I vedtektene er det foreslått at det ikkje skal vere meir enn 14 barn pr. tilsett. Dette er ei betring for Lindås kommune, som no ligg på 15 barn pr tilsett. Med fleire vaksne vert tilbodet betre.

Arbeidstakarorganisasjonane Fagforbundet Alver (Meland, Lindås),

Utdanningsforbundet Alver,

(Meland, Lindås og Radøy), Skolelederforbundet Alver (Meland og Lindås)

peikar på til dels store utfordringar knytt til SFO-bemanninga i Alver. Dei viser til at det særleg har vore utfordrande med bemanning knytt til barn med særskilde behov. I uttalen viser ein til rapporten «Lek, læring og ikkje-pedagogikk for alle – nasjonal evaluering av skolefritidsordningen i Norge» (NTNU og Stockholms Universitet 2018) der utfordringane som er skildra lokalt

og er utfordringar som gjeldt nasjonalt. Vidare ber arbeidstakarorganisasjonane om at det blir utarbeidd retningslinjer som betre ivaretar ei forsvarleg bemanning, og at det blir innarbeidd i vedtektene at det for elevane som får ekstra ressursar i skuletida med bakgrunn i ikkje-skulefaglege utfordringar, også blir sett inn ekstra ressursar i SFO-tida. Dette må gjelde både for dei elevane som har ressursar etter vedtak, og for dei som ikkje endå har fått vedtak. Det kjem fram i uttalen at bemanningsnormen ikkje må overstiga 15 barn pr. tilsett. Det er ønskeleg at den vert lågare.

## Vurdering

Vedtektene skal først og fremst setja rammer for skulefritidsordninga slik at verksemda er forutsigbar. Rådmannen er samd med SU v/Sæbø skule at ein i det vidare arbeidet må setje søkjelys på kvaliteten i tilbodet. Etter at vedtektene, rammene, for SFO er på plass, vil ein med utgangspunkt i statens rettleiande rammeplan for kvalitetsutvikling arbeide med korleis ein kan nytte det lokale handlingsrommet til å utforme SFO-tilbodet vidare.

Mange av høyringsuttalane gjev innspel på forslaget til bemanning i skulefritidsordninga. I dei tre dåverande kommunane var bemanningsnormen slik: 16 barn i Meland, 15 barn i Lindås og 12 barn i Radøy. I nye vedtekter er det foreslått at det som regel ikkje skal vere meir enn 14 barn pr. tilsett. Vidare vil bemanninga kunne styrkast ytterlegare for å ivareta barn med behov for særskild oppfølging. Dei skulane med SFO der bemanninga har vore 12 barn pr. tilsett, ønskjer dette vidare, medan dei som tidlegare har hatt fleire barn pr. tilsett er positiv til det nye bemanningstalet. I rådmannen si vurdering vil 14 barn pr. tilsett vere ei styrking av bemanninga for svært mange av barna som går på SFO i Alver kommune. Ei slik styrking vil og bli fulgt opp med eit fokus på kvaliteten i ordninga.

Når det gjeld barn på 5.-7. trinn som får vedtak om plass på skulefritidsordninga, er det i høyringsrunden kome inn mange innspel. Etter rådmannen si vurdering er innspela først og fremst knytt til bemanning. Opplæringslova § 13-7 seiar at kommunen skal ha eit tilbod og for barn med særskilte behov på 1.-7. trinn. For barn med særskilte behov på 1.-4. trinn er det gitt plass då det i forslaget til vedtekter står at alle barn på 1.-4. trinn som søker innan fristen 1.mars vil få plass. Det er eit til dels ulikt lovverk som gjeld for grunnskule og SFO. Grunnskulen har undervisning som utgangspunkt, SFO er ei tilsynsordning. Det betyr og at det einskilde barn sine behov for tilsyn ofte vil vere ulikt i skule og SFO. Det er ikkje ein statleg norm for bemanning i skulefritidsordninga. Bemanninga skal avgjerast ut frå lokale forhold og behov. Rådmannen har forståing for at det kan vere behov for å styrkje bemanninga ytterlegare for å ivareta barn med behov for særskild oppfølging. Som i skulen vil behovet for ytterlegare styrking av bemanning, måtte vurderast i kvart einskild tilfelle.

Til opplysning er SFO ei foreldrebetalt ordning etter sjølvkostprinsippet. Kommunen har vedtatt friplass for elevane på 5.-7. trinn. Dette betyr ikkje at ordinær foreldrebetaling skal finansiera desse elevane sitt tilbod. Endring i

tilbudet til elevar på 5.-7. må finansierast innafor oppvekstsektoren sitt budsjett.

Etter rådmannen si vurdering er høyringsuttalen frå Forvaltningskontoret først og fremst knytt til forholdet mellom oppvekst og helse- og omsorgstenestene. Helse- og omsorgstenesteloven pålegg kommunen å ha ulike tenester som er relevante for barn og unge med behov for særskild tilrettelegging. Tilbod som er relevante i samanheng med SFO, er særleg praktisk bistand, avlastning for foreldra og i nokre tilfeller støttekontakt (Jfr. Meld. St. 6 (2019-2020) Tett på – tidleg innsats i inkluderende fellesskap i barnehage, skole og SFO). Regjeringa erkjenner i meldinga at det kan vere uklart for foreldre kva regelverk som gjeld når avlastning eller andre helse- og omsorgstenester vert gjevne i SFO.

Skulefritidsordninga er berre eit av mange tilbod innan tenesteområda til oppvekst og helse. SFO-vedtekter skal først og fremst vere eit rammeverk for ordninga. Det betyr og at dette tilbodet vil operere i eit grenseland mellom andre tenesteområde og tilbod. Rammeverket tek utgangspunkt i dei gjevne lovkrava til SFO-ordninga. I særleg grad vil ivaretaking av barn med særskilde behov krevje at ein tenkjer ut over dei einskilde tenesteområda for å sikre eit godt og teneleg tilbod. Til dømes vil eit barn med særskilde behov som går i 5.-7. klasse, kunne finne sin plass og tilhøyrse innafor ramma av SFO-tilboda. Eit anna barn innafor same aldersgruppa vil kunne ha bruk for eit tilbod innafor andre rammer enn SFO. I dette tilfellet vil behovet for å tenkje tverrfagleg og heilskapeleg mellom tenesteområda vere større. Avlastning kan gjevast ut frå ulike behov og organiserast på ulike måtar. Den kan organiserast innafor rammene til SFO-ordninga, og den kan organiserast utafor rammene til SFO. Kommunen har stor fridom når ein skal utforme eit avlastningstilbod eller eit tilbod om praktisk bistand.

Som det går fram av uttalen, er det planlagt samarbeidsmøte mellom Oppvekst, Forvaltningskontoret og Habiliteringstenesta for å sjå nærare på dei ulike tilboda vi i dag har i Alver. Innspela vil bli tatt med i det vidare arbeidet. Målsetjinga er å utarbeida ei omforeint forståing av samanhengen mellom SFO-tilbodet og avlastning og korleis dette akn praktiserast til beste for barnet og familien sitt behov.

I det vidare arbeidet vil ein og ta med innspela knytt til rapporten «Lek, læring og ikkje-pedagogikk for alle – nasjonal evaluering av skulefritidsordningen i Norge» (NTNU og Stockholms Universitet 2018) som arbeidstakarorganisasjonane har vist til i høyringsrunden.

Når det gjeld plasstyper og opphaldstider, er det foreldra som etter søknad vel kva plasstype ein ønskjer. Ein kan velje å følgje skuleruta, eller ha utvida plass til og å gjelda på fridagane til skulane, såkalla lang dagar. Vidare vil ein kunne velje opphaldstid kvar veke. Både plasstype og opphaldstid tar utgangspunkt i den reelle tida barnet nyttar tilbodet. Dette er ikkje vidare regulert i vedtektene, men kjem fram av søknadsskjema og vedtatt gebyr- og prisregulativ. T.d vil opphaldstid kunna endre seg lokalt på den einskilde SFO. Vedtektene angir kunn ramma for ordninga.

Det kan derimot tydeleggjerast i vedtektene at SFO er stengt julaftan og

nyårsaftan.

Vedtektene legg opp til at det er mogleg å utvide opphaldstida lokalt på kvar SFO, med ei ytre ramme mellom 07:00 og 17:00. Det er ikkje forelått ei maksimal opphaldstid for kvart barn. Mange foreldre har lang reiseveg til og frå jobb og ulike arbeidstider. Grunngevinga for at ein kan vurdere utvida opphaldstid er å gje anledninga til større fleksibilitet i tilbodet. Ei maksimal opphaldstid som er kortare enn denne ramma, vil kunne bety at barna må hentas/bringast av andre enn foreldra/heimen før dei til slutt blir henta av føresette. Dette samsvarer med dei vurderingane som er gjort i framlegget til nye vedtekter for barnehage i Alver kommune.

For elevar på 5.-7. trinn er det etter rådmannen si vurdering ikkje behov for ytterlegare presisering om at plassen er gratis, då regjeringa frå hausten 2020 innfører gratis SFO plass for barn på 5.-7. trinn med behov for særskild tilrettelegging.

RMNF – råd for menneske med nedsett funksjonsevne ber om at ordet «funksjonsfrisk» blir tatt vekk frå teksten i punkt 8. Omgrepet, og setningen den står i er brukt av UDIR i regelverkstolkninga om skyss til skulefritidsordninga. § 7-3 i opplæringslova skildrar kva barn som vil ha rett til skyss til SFO. Alle andre barn har ikkje denne retten. Etter rådmannen si vurdering vil ein kunne erstatta omgrepet, då det likevel kjem fram i den vidare teksten kva barn som vil ha retten til skyss etter loven.

Når det gjeld oppseiing og endring av plass, er det etter rådmannen si vurdering behov for å komme med ei presisering i vedtaksteksten. Dette vil medføre at det blir lik praksis for når endring og oppseiing av SFO-plass skal ha effekt frå. Tilsvarande foreslår ein endring av betalingsfri månad for dei som har tilbod om SFO 10 månader frå juni til august månad. Dette er i tråd med noverande praksis.

Rådmannen konkluderer med behov for følgjande endringar i framlegget som vart sendt ut til høyring om vedtekter for skulefritidsordninga (SFO) i Alver kommune (endringane er understreka):

Følgjande endringar under punkt 4

SFO vil vera stengd på 5 av skulen sine planleggingsdagar, jul- og nyttårsaftan og onsdag før påske frå kl. 12. jul- og nyttårsaftan. Onsdag før påske stengjer SFO kl.12. I juli månad er SFO stengt.

Frist for oppseiing og endring av plass er 1 månad rekna frå den 1. i påfølgjande månad.

Følgjande endring under punkt 5

Barn som har tilbod om SFO 10 månader, betaler for 10 månader. Juni og juli er betalingsfrie. Juli og august er betalingsfrie.

Følgjande endring under punkt 8

Funksjonsfriske barn har ikkje rett til skyss til og frå skulefritidsordninga. Barn har som hovudregel ikkje rett på skyss til og frå skulefritidsordninga.